

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10 i 3/23), na prijedlog Ureda premijera, Vlada Zeničko-dobojskog kantona, na 21. sjednici, održanoj dana 15.03.2024. godine, d o n o s i

ZAKLJUČAK

I.

Daje se saglasnost premijeru Zeničko-dobojskog kantona da potpiše Memorandum o saradnji Vlade Zeničko-dobojskog kantona i Privredne komore Zeničko-dobojskog kantona, koji je u prilogu ovog zaključka.

II.

Zaključak stupa na snagu danom donošenja.

Broj: 02-_____/24
Datum, 15.03.2024. godine
Zenica

PREMIJER

Nezir Pivić

DOSTAVLJENO:

1x Ured premijera,
1x Ministarstvo privrede,
1x Ministarstvo za rad, socijalnu politiku i izbjeglice,
1 Ministarstvo za obrazovanje, nauku, kulturu i sport,
1x Privredna komora Zeničko-dobojskog kantona, putem Ureda,
1x a/a.

M E M O R A N D U M

**o saradnji Vlade Zeničko-dobojskog kantona i
Privredne komore Zeničko-dobojskog kantona**

februar, 2024. godine

U skladu sa zakonskim i drugim ovlaštenjima i nadležnostima u oblasti privređivanja, programima rada, iskazanoj potrebi koordiniranog djelovanja na unaprijeđenju oblasti privređivanja, Vlada Zeničko-dobojskog kantona, koju predstavlja premijer dr. sc. Nezir Pivić i Privredna komora Zeničko-dobojskog kantona, koju predstavlja predsjednica mr. sci. Diana Babić, (u daljem tekstu: potpisnici memoranduma), zaključili su dana __.__.2024. godine u Zenici

M E M O R A N D U M
o saradnji Vlade Zeničko-dobojskog kantona i
Privredne komore Zeničko-dobojskog kantona

I. CILJEVI I RAZLOZI ZA ZAKLJUČIVANJE MEMORANDUMA

Osnovni cilj zaključivanja i realizacije Memoranduma je da se oblast privređivanja sistemskim i konkretnim mjerama unaprijedi, te učini efikasnijom, konkurentnijom i atraktivnijom za domaće i strane investitore, a naročito u oblasti djelatnosti malih i srednjih preduzeća, kao generatora razvoja i zapošljavanja, i značajnih poslovnih partnera velikih kompanija.

S ciljem ostanka mladih ljudi u ZDK, Vlada Zeničko-dobojskog kantona i Privredna komora Zeničko-dobojskog kantona dijele zajednički stav da je neophodno kontinuirano, sinergijsko djelovanje na unaprijeđenju privrednog ambijenta i obrazovnog sistema.

Potpisnici Memoranduma opredijeljeni su i odlučni da, u okviru svojih nadležnosti, ovlaštenja i programskog djelovanja, učine maksimalne napore na postizanju ciljeva ovog memoranduma, njegovom dosljednom realizacijom.

II. PREDMET MEMORANDUMA

Radi postizanja ciljeva ovog memoranduma, potpisnici Memoranduma su saglasni da je predmet Memoranduma međusobna saradnja u slijedećim pitanjima i oblastima:

- 1. Koordinacija aktivnosti prilikom kreiranja i donošenja zakonskih i provedbenih propisa iz oblasti poreza i carina, mjera ekonomske politike, s ciljem stvaranja povoljnijeg privrednog ambijenta. Posebnu pažnju posvetiti Zakonu o porezu na dohodak FBiH i Zakonu o porezu na dobit FBiH, te Zakonu o pripadnosti javnih prihoda u FBiH;**
- 2. Saradnja na apliciranju i implementaciji projekata finansiranih od strane domaćih i stranih donatora i fondova, a posebno EU fondova;**

3. Zajedničke aktivnosti na uspostavljanju i vođenju Registra o verifikaciji poslodavaca kod kojih se obavlja praktičan rad;

4. Saradnja u oblasti obrazovanja s ciljem unaprijeđenja kvaliteta srednjeg i visokog obrazovanja; saradnja u oblasti aktivnih mjera zapošljavanja shodno potrebama tržišta rada, kao i saradnja na unaprijeđenju i implementaciji zakona o obrazovanju;

5. Koordinacija aktivnosti s ciljem unaprijeđenja uslova poslovanja preduzeća komunalne djelatnosti na području ZDK, sa fokusom na projekte zaštite životnog okoliša;

6. Koordinacija aktivnosti s ciljem unaprijeđenja investicija i jačanja poslovne saradnje sa dijasporom i potencijalnim investitorima kroz informisanje, izradu publikacija o investicionim potencijalima ZDK, kao i drugim promotivnim aktivnostima koje bi imale za rezultat animiranje i privlačenje investora u Zeničko-dobojski kanton;

7. Organizovani nastupi na sajmovima u zemlji i inostranstvu;

8. Koordinacija aktivnosti koje će doprinijeti povećanju konkurentnosti malih i srednjih preduzeća sa područja Zeničko-dobojskog kantona (edukacije, naučnoistraživačke djelatnosti, organiziranje naučnih i privrednih skupova, digitalizacija, energetska efikasnost, itd.).

III. IZVRŠIOCI REALIZACIJE MEMORANDUMA

Izvršioci utvrđenih oblika saradnje iz tačke II. ovog protokola na strani Vlade Zeničko-dobojskog kantona su:

- *Ured Premijera ZDK;*
- *Ministarstva u Vladi ZDK;*
- *Druga tijela uprave u ZDK, svako u svome djelokrugu;*

a na strani Privredne komore Zeničko-dobojskog kantona:

- *Stručna služba Privredne Komore ZDK;*
- *Strukovna udruženja, svako u svom djelokrugu.*

IV. PRAĆENJE REALIZACIJE MEMORANDUMA

Praćenje aktivnosti na realizaciji predmeta ovog memoranduma vršit će Stručna služba Privredne komore ZDK, koja će o izvršenim aktivnostima izvještavati Vladu ZDK i Upravni odbor Privredne komore ZDK.

V. VAŽENJE MEMORANDUMA

Ovaj memorandum se zaključuje na određeno vrijeme, dok traje mandat ove Vlade, a stupa na snagu danom zaključivanja.

Broj: _____/24

Datum: __.__.2024. godine

**PRIVREDNA KOMORA
ZENIČKO-DOBOJSKOG KANTONA
PREDSJEDNICA**

mr. sci. Diana Babić

ZENIČKO-DOBOJSKI KANTON

**PREMIJER
KANTONA**

dr. sc. Nezir Pivić